

Reglugerð Afreksmannasjóðs ÍBH

Drög
1.09.2014

Efnisyfirlit

| | |
|------------|--|
| 1.0 | Afreksstefna ÍBH |
| 2.0 | Afreksmannasjóður |
| 2.1 | Stjórn Afreksmannasjóðs |
| 2.1.1 | Verksvið stjórnar |
| 2.2 | Tekjur sjóðsins |
| 2.3 | Styrkhæfmót og umsóknarferlið |
| 2.3.1 | Ferðastyrkir |
| 2.3.2 | Afreksstyrkir Evrópukeppni félagsliða |
| 2.3.3 | Afreksstyrkir fyrir Ólympíukandidata |
| 2.3.4 | Afreksstyrkir Evrópu- og heimsmeistaramót |
| 2.3.5 | Líkamsræktarstyrkir fyrir unga og efnilega íþróttamenn |
| 2.3.6 | Afreksstyrkir fyrir unga og efnilega íþróttamenn |
| 3.0 | Úthlutanir |
| 4.0 | Styrktarupphæðir |
| Viðauki I. | Yfirlit um umsóknir og úthlutanir |

Reglugerð Afreksmannasjóðs ÍBH

1.0 Afreksstefna ÍBH

Afreksstefna ÍBH tekur mið af afreksstefnu ÍSÍ. Markmið og leiðir miðast við að hámarka árangur hafnfirskra íþróttamanna með því að veita þeim fjárhagslegan og faglegan stuðning. Afreksmannasjóður vinnur samkvæmt reglugerð um sjóðinn þar sem fram kemur hvaða reglur gilda um úthlutun styrkja.

2.0 Afreksmannasjóður

Sjóðurinn heitir AFREKSMANNASJÓÐUR ÍBH og var stofnaður af stjórn Íþróttabandalags Hafnarfjarðar og Hafnarfjarðarbæ í janúar 1988 með stofnframlagi hvors aðila um sig. Afreksstyrkir eru veittir vegna Evrópumóta félagsliða og landsliða, heimsmeistarakeppni, Ólympíuleika og ferðastyrkir vegna keppnisferða til útlanda.

2.1 Stjórn Afreksmannasjóðs

Í stjórn sjóðsins skulu vera fimm menn. Þrír skipaðir af stjórn ÍBH og tveir skipaðir af Íþrótt- og tólmstundanefnd Hafnarfjarðarbæjar. Stjórnin situr tvö ár í senn. Framkvæmdastjóri ÍBH er starfsmaður sjóðsins.

2.1.1 Verksvið stjórnar

Er að sjá um almenna fjáröflun, gerð samninga við styrktaraðila, kynningarstarf og að ákveða styrkveitingar. Framkvæmdastjóri ÍBH annast vörslu sjóðsins og reikningshald og sér til þess að endurskoðaðir reikningar sjóðsins séu birtir árlega með reikningum ÍBH. Styrkupp hæðir miðast við fjármagnsgetu sjóðsins hverju sinni. Höfuðstóll sjóðsins má þó aldrei nema lægri fjárhæð en kr. 1.000.000 miðað við lánskjaravísitölu í desember 2013. Stjórnin getur ákveðið styrkveitingu án umsóknar sé hún sammála um slíka veitingu.

2.2 Tekjur sjóðsins

Hafnarfjarðarbær og ÍBH gera árlega með sér samkomulag um greiðslur bæjarins til sjóðsins. ÍBH veitir árlega fjárveitingu til sjóðsins og er hún samþykkt á þingi ÍBH til tveggja ára í senn. Sjóðurinn tekur einnig á móti frjálsum framlögum, styrktarféi og söfnunarféi. Vaxtarteikir af innistæðum sjóðsins mynda einnig tekjur hans.

2.3 Styrkhæf mót og umsóknarferlið

2.3.1 Ferðastyrkir

Eftirfarandi ferðastyrkir eru veittir:

- Fyrir keppnisferðir íþróttaliða.
- Fyrir keppnisferðir einstaklinga með félagsliði.
- Fyrir einstaklinga í landsliðsverkefnum.
 - Hópiþróttir.
 - Einstaklingsíþróttir.
- Fararstjórastyrkur fyrir íþróttalið í keppnisferð til útlanda:
 - 4 – 14 iðkendur – 1 fararstjóri.
 - 15 – 29 iðkendur – 2 fararstjórar.
 - Fleiri en 30 iðkendur – 3 fararstjórar að hámarki á ferð.

Á heimasíðu ÍBH www.ibh.is undir afreksmannasjóður er umsóknargátt fyrir ferðastyrki. Hægt er að fylla hana út og senda umsóknina beint á skrifstofu ÍBH. Einnig er hægt að prenta út umsóknareyðublað ferðastyrks, fylla það út og skila til skrifstofu ÍBH. Með ferðastyrksumsókn verður að fylgja staðfesting á ferðinni og þátttöku liðs eða einstaklinga í íþróttamótinu svo hægt sé að afgreiða umsóknina. Staðfestinguna á að senda á netfangið ibh@hafnarfjordur.is.

2.3.2 Afreksstyrkir Evrópukeppni félagsliða

Félagið / deildin sendir skrifstofu ÍBH greinargerð um verkefnið og reikning sem nemur styrkuppþæðinni eftir hverja umferð sem skrifstofa ÍBH greiðir.

2.3.3 Afreksstyrkir fyrir Ólympíukandidata

Sérsambönd ÍSÍ og ÍSÍ tilnefna Ólympíukandidata fyrir Ólympíuleika. Stjórn Afreksmannasjóðs ÍBH veitir þeim afreksstyrki til þess að ávinna sér þátttökurétt á leikunum og / eða til frekari undirbúnings fyrir leikana miðað við verkefnaáætlun sem liggur fyrir og fjárhagsáætlun sjóðsins. Ólympíuförum er veittur afreksstyrkur til þess að undirbúa þátttökuna á leikunum miðað við verkefnaáætlun sem liggur fyrir og fjárhagsáætlun sjóðsins.

2.3.4 Afreksstyrkir Evrópu- og heimsmeistaramót

Skrifstofa ÍBH sendir aðildarfélögum sínum bréf í nóvember ár hvert og óskar eftir umsóknum um afreksstyrki vegna verkefna í karla- og kvennaflokki á EM og HM á árinu sem er að líða. Skilafrestur umsókna er í desember og úthlutun í janúar.

2.3.5 Líkamsræktarstyrkir fyrir unga og efnilega íþróttamenn

Skrifstofa ÍBH sendir aðildarfélögum sínum bréf í maí árlega og óskar eftir umsóknum um líkamsræktarstyrki fyrir unga og efnilega íþróttamenn á aldrinum 15-20 ára sem eru í unglíngalandsliðum eða afrekshópum sérsambanda sinna íþróttagreina. Skilafrestur umsókna er í júní og úthlutun í ágúst.

2.3.6 Afreksstyrkir fyrir unga og efnilega íþróttamenn

Skrifstofa ÍBH sendir aðildarfélögum sínum bréf í desember ár hvert og óskar eftir umsóknum um afreksstyrki vegna verkefna í unglíng- og ungmennaflokkum á EM, HM og ÓL á árinu sem er að líða. Skilafrestur umsókna er í janúar og úthlutun í febrúar.

3.0 Úthlutanir

Úthlutanir úr Afreksmannasjóði skulu fara fram a.m.k. einu sinni á ári. Viðamesta úthlutunin fer fram í janúar. Aðrar úthlutanir taka mið af verkefnum sjóðsins hverju sinni.

4.0 Styrktaruppþæðir

Ferðastyrkir:

- Einstaklingur með félagsliði kr. 15.000.
- Einstaklingur með landsliði kr. 20.000.
- Fararstjórstyrkur með félagsliði á fararstjóra kr. 50.000.

Afreksstyrkir:

- Evrópukeppni félagsliða 3 – 6 keppendur kr. 180.000.
 - Evrópukeppni félagsliða 7 – 10 keppendur kr. 300.000.
 - Evrópukeppni félagsliða 11 – 14 keppendur kr. 420.000.
 - Evrópukeppni félagsliða 15 – 20 keppendur kr. 600.000.
 - Evrópukeppni félagsliða 21 – 25 keppendur kr. 750.000.
 - Evrópukeppni félagsliða 26 – 30 keppendur kr. 900.000.
-
- Evrópumót og heimsmeistaramót: Einstaklingar, karlar og konur skv. ákvörðun stjórnar.
 - Ólympíukandidatar: Einstaklingar, karlar og konur, háð verkefnaáætlun og ákvörðun stjórnar.
 - Ólympíufarar: Einstaklingar, karlar og konur, háð verkefnaáætlun og ákvörðun stjórnar.
 - Evrópumót, heimsmeistaramót og Ólympíuleikar unglunga og ungmenna skv. ákvörðun stjórnar.

Reglugerð þessi tekur gildi 1. janúar 2015.

VIÐAUKI I:

Yfirlit um umsóknir og úthlutanir:

| | |
|-----------|--|
| Janúar | Frestur til að skila inn umsóknum vegna afreksstyrks fyrir unga og efnilega íþróttamenn. Úthlutun: Afreksstyrkir fyrir Evrópu- og heimsmeistaramót. |
| Febrúar | Úthlutun: Afreksstyrkur fyrir unga og efnilega íþróttamenn. |
| Júní | Frestur til að skila inn umsóknum vegna líkamsræktarstyrks fyrir unga og efnilega íþróttamenn. |
| Ágúst | Úthlutun: Líkamsræktarstyrkur fyrir unga og efnilega íþróttamenn. |
| Desember | Frestur til að skila umsóknum um afreksstyrk fyrir Evrópu- og heimsmeistaramót. |
| Allt árið | Umsókn og úthlutun afreksstyrkja vegna Evrópukeppni félagsliða fer fram eftir hverja umferð um leið og greinargerð og reikningur berst ÍBH. |
| Allt árið | Umsókn og úthlutun ferðastyrkja fer fram eftir hverja ferð um leið og umsókn og staðfesting berst ÍBH. |